

Uunga siunnersuut: Illulortiternernut aningaasalersuineq pillugu inatsisip allanngortinnissaa pillugu Inatsisartut Inatsisaat

(Tullerriiarinissamut uppersarsaaneq, sanaartortitsinernut naatsorsuutit, kaaviiartitsinissamut inerteqqut, piffissaq sioqqullugu taarsigassarsianik akiliineq il.il.)
(Ineqarnermut Attaveqaasersuutinullu Naalakkersuisoq)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneerpeqarnera

Naalakkersuisut sinnerlugit Sanaartornermut Ataatsimiititaliaq, isumaliutissiissuteqarneranut aammalu peqqissaartumik ataatsimiititaliap sulisimaneranut, qutsavigaara.

Naalakkersuisuni nuannaarutigaarput ataatsimiititaliami amerlanerussuteqartut siunnersuutip akuerineqarnissaa inassutigimmassuk.

Ataatsimiititaliaq isumaliutissiissummini allappoq, siunnersuut manna pingaarnertigut illulortiternernut aningaasalersuineranut aalajangersakkat naleqqussarneqarnerattut isigineqartoq aammalu aalajangersakkat atuuttut erseqqarissarneqarnerannik, kiisalu namminersorluni inuussutissarsiortut annikinnerusut pillugit nassuiaassutaannut erseqqarissaanermik, imaqartoq.

Aammattaaq ataatsimiititaliap isumaliutissiissummini oqaatigaa, Naalakkersuisut siunnersuutip allaffissornikkut atuutsinneqalernissaanut piareersarnissaat, GrønlandsBanken-ip tusarniaanermut akissuteqaateqarnermini kaammattuutigigaa.

Naalakkersuisuni ataatsimiititaliap tamanna pillugu oqaaseqaataa tusaatissatut tiguarput, aammalu siunnersuutip allaffissornikkut atuutsinneqalernissaata piareersarneqarnerani ilaatinneqarnissaat qulakkiissallutigu.

Naalakkersuisunit taamatut oqaaseqarluta, siunnersuutip akuerineqarnissaa siunertaralugu, siunnersuut pingajussaanneerpeqartussanngortinneqassasoq, inassutigaarput.